



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Avli Persii Flacci Satyrae Sex**

**Persius Flaccus, Aulus**

**Basileae, 1582**

**VD16 P 1629**

Avli Persii Flacci Vita.

**urn:nbn:de:hbz:466:1-34803**

AVLI PERSII FLACCI  
CIVITA.

AVLVS Persius Flaccus, Olympiade 203, anno ab Vrbe condita 795. Imperatoris Tiberij 22. patre Flacco, matre verò Fulvia (vt author est Eulebius, & P. Crinitus lib. 3. de poetis Latinis) Volaterras Hetruriz oppidum patriam habuit (quod idem ipse Satyra 6. videtur indicare cum ait:

— *Mihi nunc Ligus ora*

*Intepet, hybernæq; meum mare, qua latus ingens  
Dant scopuli & multa litus se valle recepat.*)

Floruit, autem sub Claudio principe, mortuus Neronis nono, cum ageret tricesimum ætatis suæ annum. Romam literarum causa profectus cum moribus (vt Probus Grammaticus scribit) esset lenissimis, ac virginali ferè verecundia, formaq; modesta & pulchra, sumpta virili toga Rhemmius Palemon in Grammatica Verginio Flavio in Rhetorica, tandem Cornuto Stoico in philosophia operam dedit: quæ vt omni officio ac pietate potius coluit & obseruauit, sic singulari beneuolentiæ & vitæ consuetudine in reliquum vitæ spatium sibi coniunctum tenuit, vt ipse testatur Satyra V.

*Cum primum pauido custos mihi purpura cecisset,  
Bullæq; succinctis Laribus donata pependis,  
Me tibi suppositi, teneros tu suscipis annos  
Socratico Cornute finis: — Et,*

— *Tibi nunc hortante camæna*

*Excutienda damus præcordia, quantaq; nostra  
Pars tua sit Cornute animæ, tibi dulcis amice  
Ostendisse iuuat, pulsa discernere cautus, &c.*

Et paulò post:

*Tecum me longos memini consumere soles,  
Et tecum primas epulis consumere noctes:  
Vnum opus & requiem pariter disponimus ambo:  
Atq; verecunda laxamus seria mensa.*

Prætextatus amicos in primis coluit, Minucium Macrinum equestris ordinis principem, & Casium Bassum poetam lyricum librum scripsit, & paucos vxori Trajæ & in Attiam matrem versus, quæ se ante virum occiderat, quos auctore Cornuto magistro suo postea damnauit. Iuuenis verò Satyras sex, ingentij solertiz, acuminisque sui testes edidit: plures fortasse emissurus, nisi in ipso ætatis flore, in natura morte oppressus interijisset: scilicet (vt ait Poeta)

*Optima, prima ferè manibus rapiuntur æuaris,  
Impientur numeris deteriora suis.*

Neque ramen sepultos poetæ manes sperata Satyricæ virtutis sefellit gloria, cuius poema (vt ait Fabius) tantum laudis apud omnes veræque commendationis habuit, vt de eo passim illud vulgaretur, quod annis post aliquot versibus persecutus est Martialis:

*Sæpius in libro memoratur Persius vno,  
Quam leuis in tota Marsus Amazonide.*

FINIS.

AVLI



